

TERMA DAN SYARAT
KEMPEN CABUTAN PRIME BONANZA

KEMPEN

1. PTPTN menganjurkan Cabutan Prime Bonanza (“Kempen”) sebagai tanda penghargaan istimewa kepada pendeposit Simpan SSPN Prime. Kempen ini menawarkan hadiah lumayan berjumlah keseluruhan hampir **RM500,000**, untuk dimenangi oleh **106 orang pemenang**.
2. Kempen ini adalah sebagai tanda penghargaan PTPTN kepada pendeposit yang terus komited memilih Simpan SSPN Prime sebagai pilihan utama simpanan, sekaligus memupuk amalan menabung secara berterusan demi masa depan pendidikan generasi Malaysia yang lebih gemilang. Kempen ini terbahagi kepada dua (2) kategori cabutan untuk disertai oleh pendeposit Simpan SSPN Prime :-
 - a) Kategori Platinum
 - b) Kategori Gold

TEMPOH KEMPEN

3. Tempoh Kempen adalah seperti berikut:-

Cabutan	Tempoh Kempen	Tempoh Pengekalan
Cabutan Prime Bonanza	1 Julai – 31 Oktober 2026	1 November 2026 – 31 Januari 2027

4. PTPTN mempunyai hak mutlak untuk mengubah, menukar atau meminda tempoh Kempen ini sekiranya perlu, dengan memberikan notis yang secukupnya dalam tempoh tidak kurang daripada empat belas (14) hari sebelum tarikh pertukaran atau pindaan tersebut melalui pemberitahuan di laman web rasmi PTPTN, media elektronik atau paparan notis di cawangan-cawangan PTPTN.

KELAYAKAN UMUM

5. Terbuka kepada pendeposit **Simpan SSPN Prime yang membuka akaun atau membuat penambahan simpanan** dalam tempoh Kempen.
6. Pendeposit **tidak boleh membuat sebarang pengeluaran dan/ atau pindahan simpanan semasa tempoh pengekalan daripada mana-mana akaun yang didepositkan** dalam tempoh Kempen untuk melayakkan penyertaan dalam cabutan.
7. Kempen ini **TIDAK LAYAK** disertai oleh kakitangan PTPTN dan ahli keluarga (merangkumi pasangan dan anak-anak).

8. **Kelayakan bilangan cabutan**

Cabutan	Simpanan Bersih	Bilangan Cabutan	
		Transaksi Berjaya Melalui Platform Selain myPTPTN/ Potongan Gaji (PG)/ Debit Terus (DD)	Transaksi Berjaya Melalui myPTPTN / Potongan Gaji (PG)/ Debit Terus (DD)
Cabutan Prime Bonanza	RM100	10 cabutan	20 cabutan

9. **Kelayakan Tambahan Bagi Cabutan Prime Bonanza terbahagi kepada Dua (2) Kategori Berikut:**

Kategori	Simpanan Bersih
Platinum	Minimum RM15,000.00 dan ke atas
Gold	Minimum RM1,000.00 – RM14,999.99

10. Tiada had untuk bilangan cabutan.
11. Pendeposit digalakkan untuk melakukan **transaksi melalui myPTPTN/ Potongan Gaji (PG)/ Debit Terus (DD)** untuk mendapatkan ganjaran **cabutan berganda**.
12. Pendeposit hendaklah **memastikan akaun Simpan SSPN Prime kekal aktif**.

HADIAH KEMPEN DAN TUNTUTAN HADIAH

13. Pemenang Kempen akan memenangi hadiah berikut:

Hadiah Cabutan Prime Bonanza

Pemenang	Hadiah
Kategori: Platinum	
Utama	Kereta Jaecoo J7 2WD PHEV x 1 pemenang
Kedua	Tunai bernilai RM50,000 x 1 pemenang
Ketiga	Tunai bernilai RM30,000 x 1 pemenang
Saguhati	Tunai bernilai RM1,000 x 50 pemenang
Kategori: Gold	
Utama	Kereta Proton X50 <i>Flagship</i> x 1 pemenang
Kedua	Tunai bernilai RM30,000 x 1 pemenang

Ketiga	Tunai bernilai RM10,000 x 1 pemenang
Saguhati	Tunai bernilai RM500 x 50 pemenang

14. Pemenang akan dimaklumkan melalui surat/ emel/ panggilan telefon/ hebahan di laman web rasmi PTPTN atau kaedah penyampaian lain yang bersesuaian.
15. Hadiah berupa ganjaran tunai yang dimenangi **akan dikreditkan ke dalam akaun Simpan SSPN Prime** di dalam tempoh **DUA (2) BULAN** dari tarikh pengumuman pemenang.
16. Pelarasan **hadiah tunai akan dikreditkan ke dalam akaun Simpan SSPN Prime** pendeposit yang dibuka untuk diri sendiri. Jika pemenang tidak mempunyai akaun tersebut, PTPTN berhak untuk membuka akaun Simpan SSPN Prime berdasarkan kepada butiran sedia ada pendeposit di akaun Simpan SSPN Prime.
17. Sekiranya pemenang telah meninggal dunia sebelum atau semasa tempoh pengkreditan hadiah dilaksanakan, ganjaran tunai yang dimenangi akan dikreditkan ke dalam akaun Simpan SSPN Prime milik pemenang, tanpa mengambil kira status akaun tersebut. Urusan tuntutan atau pengeluaran wang ganjaran tersebut oleh waris adalah tertakluk kepada prosedur sedia ada yang ditetapkan oleh PTPTN.
18. Hadiah berupa ganjaran tunai yang dimenangi oleh pendeposit **TIDAK LAYAK** untuk diambil kira bagi tujuan pengiraan pelepasan taksiran cukai. Pelepasan taksiran cukai yang boleh dituntut adalah mengikut dasar pelepasan taksiran cukai semasa yang ditetapkan oleh Lembaga Hasil Dalam Negeri (LHDN).
19. PTPTN akan melantik mana-mana syarikat pembekal bagi urusan pembekalan dan penghantaran hadiah yang berbentuk kenderaan kepada pemenang. Kaedah pembekalan dan penghantaran tersebut adalah tertakluk sepenuhnya kepada budi bicara mutlak PTPTN dari semasa ke semasa.
20. Pemenang dengan ini bersetuju dan memberi kebenaran kepada PTPTN untuk berkongsi maklumat mereka kepada syarikat pembekal bagi tujuan pembekalan dan penghantaran hadiah dalam bentuk kenderaan.
21. PTPTN tidak memberi sebarang representasi atau jaminan, sama ada secara nyata atau tersirat berkenaan dengan kualiti dan/atau kesesuaian hadiah, dan tidak akan bertanggungjawab untuk menggantikan mana-mana hadiah yang hilang, dicuri, rosak atau cacat disebabkan kecacatan bahan atau pembuatan oleh syarikat pengeluar, sama ada dalam tempoh jaminan atau sebaliknya. Pemenang hendaklah berurusan terus dengan pihak pembekal atau pengeluar bagi maklumat jaminan atau tuntutan (sekiranya ada), tanpa melibatkan PTPTN.
22. Pemenang hendaklah bertanggungjawab ke atas cukai, kadar, kos insurans atau apa-apa caj lain yang boleh dikenakan terhadap mereka di bawah undang-undang, jika berkenaan.

23. Pemenang hendaklah menanggung semua kos berkaitan tuntutan hadiah dan kehadiran ke majlis penyampaian hadiah, jika berkenaan.
24. Hadiah yang dimenangi tidak boleh ditukar atau dipindah milik sama ada sebahagian atau keseluruhannya kepada apa-apa bentuk lain, kecuali yang ditetapkan oleh PTPTN.
25. Jika hadiah yang dimenangi tidak dapat disediakan atau diperolehi atas apa jua sebab, PTPTN berhak untuk menggantikan hadiah tersebut dengan hadiah yang lain yang sama nilai dengan hadiah yang dimenangi, dengan memberikan notis sekurang-kurangnya empat (14) belas hari kepada pendeposit yang layak. Kaedah pemberitahuan ini boleh dilakukan secara bertulis, melalui laman web rasmi PTPTN, media elektronik atau dipaparkan di cawangan-cawangan PTPTN.
26. Hadiah hendaklah dituntut oleh pemenang dalam tempoh **DUA BELAS (12) BULAN** dari tarikh pengumuman pemenang. PTPTN tidak akan melayan sebarang tuntutan selepas tamat tempoh tersebut.
27. Sekiranya pemenang telah meninggal dunia, waris yang sah boleh menuntut hadiah dalam tempoh **DUA BELAS (12) BULAN** daripada tarikh pengumuman pemenang.
28. Pemenang atau warisnya dianggap telah melepaskan sebarang hak ke atas hadiah jika gagal menuntut hadiah dalam tempoh yang telah ditetapkan.
29. Keputusan pemenang yang dibuat dan diumumkan oleh PTPTN adalah muktamad. Sebarang surat menyurat, pertanyaan, rayuan, bantahan atau apa-apa cubaan untuk mempertikaikan keputusan tersebut tidak akan dilayan dalam apa jua keadaan dan situasi.

PERUNTUKAN UMUM

30. Untuk menyertai Kempen ini, pendeposit mestilah termasuk di dalam kriteria kelayakan dan memenuhi mekanisme Kempen. Melainkan dinyatakan sebaliknya oleh PTPTN, pendeposit tidak perlu menandatangani atau melengkapkan apa-apa borang permohonan Kempen ini.
31. Penyertaan pendeposit di dalam Kempen ini adalah atas risiko pendeposit sendiri. PTPTN tidak akan bertanggungjawab terhadap sebarang kecederaan, kehilangan, kerosakan atau tuntutan yang timbul akibat penyertaan tersebut.
32. PTPTN berhak meminda, membatalkan atau menambah mana-mana Terma dan Syarat Kempen ini sama ada secara keseluruhan atau sebahagian, dengan memberikan notis awal melalui laman web rasmi PTPTN/ media massa/ paparan notis di cawangan-cawangan PTPTN, atau melalui apa-apa kaedah lain yang difikirkan sesuai sekurang-kurangnya dua puluh satu (21) hari kalendar. Pindaan, pembatalan atau penambahan tersebut adalah dianggap mengatasi apa-apa pernyataan yang terkandung di dalam bahan promosi pengiklanan yang berkaitan

dengan Kempen ini. Untuk mengelakkan keraguan, sebarang pembatalan, penamatan atau penggantungan Kempen ini oleh PTPTN tidak akan memberi hak kepada mana-mana pendeposit untuk apa-apa tuntutan atau pampasan terhadap PTPTN ke atas apa-apa dan/ atau keseluruhan kehilangan, kos, perbelanjaan atau kerosakan yang ditanggung atau dialami sebagai kesan langsung atau tidak langsung daripada pembatalan, penamatan atau penggantungan tersebut.

33. Pendeposit adalah dinasihatkan untuk melayari laman web rasmi PTPTN dari semasa ke semasa untuk menyemak terma-terma dan syarat-syarat Kempen serta mengambil maklum atas sebarang perubahan atau pindaan kepada Terma dan Syarat ini.
34. PTPTN tidak bertanggungjawab terhadap sebarang penyertaan yang lewat, hilang, tidak lengkap, tidak diserahkan, ditanggihkan, rosak atau tersalah arah, sama ada disebabkan kesilapan, peninggalan, pengubahan, gangguan, penghapusan, kecurian, pemusnahan atau apa-apa sebab lain.
35. PTPTN berhak membatalkan sebarang penyertaan tanpa sebarang notis sekiranya didapati pendeposit tidak layak atau tidak mengikut Terma dan Syarat yang telah ditetapkan.
36. Segala Terma dan Syarat yang terdapat di dalam dokumen ini dan juga sebarang keputusan yang dibuat oleh PTPTN berhubung Kempen ini adalah muktamad dan konklusif. PTPTN tidak akan melayan sebarang rayuan atau pertikaian melibatkan keputusan yang telah dibuat.
37. Sekiranya terdapat percanggahan Terma dan Syarat Kempen ini dengan mana-mana bahan pengiklanan, promosi, publisiti dan bahan-bahan lain berkaitan dengan Kempen ini, maka terma dan syarat di dalam laman web rasmi PTPTN adalah yang muktamad. Sebarang perkara mengenai Kempen yang tidak dinyatakan dalam Terma dan Syarat adalah bergantung kepada budi bicara mutlak PTPTN.
38. PTPTN boleh menggunakan penyertaan pendeposit, termasuk tetapi tidak terhad kepada gambar, lukisan, teks, dan apa-apa kandungan atau maklumat lain yang dikemukakan untuk tujuan promosi , serta nama pendeposit, dan/ atau persamaannya, untuk tujuan pengiklanan, publisiti dan promosi mana-mana barangan atau perkhidmatan PTPTN, untuk tempoh tidak terhad di seluruh dunia, tanpa sebarang pampasan, dan dalam mana-mana media. Pendeposit hendaklah melakukan segala perkara yang perlu untuk tujuan ini jika diminta oleh PTPTN.
39. Segala surat-menyurat yang dihantar ke alamat terakhir pendeposit mengikut rekod PTPTN dianggap telah diserahkan kepada pendeposit.

*Nota: Anda dinasihatkan untuk membaca dan memahami Terma & Syarat penuh Kempen **Cabutan Prime Bonanza***

Maklumat dikemas kini pada 26 Jun 2026